



Na osnovu člana 54. Zakona o izvršavanju Budžeta Unsko-sanskog kantona za 2023. godinu („Službeni glasnik Unsko-sanskog kantona“ broj: 6/23 i 11/23) i Odluke o kriterijima i postupku dodjele sredstava odobrenih u Budžetu Unsko-sanskog kantona putem Kantonalne uprave civilne zaštite, broj: 03-02-2190-463/2023 od 06.07.2023 godine, Kantonalna uprava civilne zaštite Unsko – sanskog kantona raspisuje:

JAVNI POZIV

za dodjelu sredstava za projekte iz oblasti zaštite i spašavanja od prirodnih i drugih nesreća

„Sufinansiranje kapitalnih projekata preventivnih mjera zaštite i spašavanja“

I PREDMET JAVNOG POZIVA

Predmet javnog poziva je sufinansiranje kapitalnih projekata iz oblasti zaštite i spašavanja od prirodnih i drugih nesreća u skladu sa članom 183. stav (3) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06, 43/10) i tačkom VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 04/12, 80/13, 20/20) koji su dijelom sufinansirani sredstvima posebne nakande za zaštitu od prirodnih i drugih nesreća putem Kantonalne uprave civilne zaštite.

II USLOVI UČEŠĆA

Pravo učešća

Pravo učešća na javnom pozivu imaju jedinice lokalne samouprave (u daljem tekstu JLS) na području Unsko-sanskog kantona.

Finansijska sredstva

Maksimalna vrijednost finansiranja u okviru ovog Javnog poziva po svim projektima/zahtjevima/inicijativama iznosi do 116.000 KM.

Maksimalan iznos sredstava koji se može dodijeliti za jedan projekat je 28.000,00 KM.

Broj prijavljenih zahtjeva

Jedan podnositelj zahtjeva može dostaviti više od jednog zahtjeva u okviru ovog Javnog poziva. Za svaki projekat/zahtjev/inicijativu se podnosi posebno projektni prijedlog, dok se dokumentacija može dostaviti u jednom primjerku.

Opći kriteriji

Za dodjelu sredstava za projekte iz oblasti zaštite i spašavanja od prirodnih i drugih nesreća primjenjuju se sljedeći kriteriji:

- a) da je cilj projekta je provođenje preventivnih mjera za zaštitu od prirodnih i drugih nesreća,
- b) da su u budžetu JLS planirana sredstva za provođenje preventivnih mjera zaštite i spašavanja od prirodnih i drugih nesreća,
- c) da su u programu razvoja zaštite i spašavanja ljudi i materijalnih dobara od prirodnih i drugih nesreća i planu zaštite i spašavanja JLS utvrđene preventivne mjere zaštite i spašavanja od prirodnih i drugih nesreća,
- d) da su godišnjim planom korištenja sredstava posebne naknade za zaštitu od prirodnih i drugih nesreća JLS planirana sredstva za provođenje navedenih preventivnih mjera zaštite i spašavanja,
- e) da JLS dostavi podatke o visini sredstava posebne naknade za zaštitu od prirodnih i drugih nesreća ostvarenih u prethodnoj kalendarskoj godini (finansijski dokument iz kojeg se jasno vidi ostvaren priliv sredstava).

Posebni kriteriji

JLS koje ispunjavaju opće kriterije rangiraće se prema posebnim kriterijima i to:

- a) da je priliv sredstava posebne naknade za zaštitu od prirodnih i drugih nesreća u JLS:
 - 1) manji od 30% od ukupno ostvarenog priliva koji pripada JLS -pet bodova,
 - 2) između 30% i 50% -tri boda,
 - 3) veći od 50% -dva boda.
- b) planirana sredstva u budžetu JLS za provođenje preventivnih mjera zaštite i spašavanja od prirodnih i drugih nesreća (bez sredstava posebne naknade) su:
 - 1) veća od 30% od vrijednosti projekta - pet bodova,
 - 2) između 10% i 30% - tri boda,
 - 3) manja od 10% - dva boda.
- c) projekti provođenja preventivnih mjera zaštite i spašavanja:
 - 1) ukupne vrijednosti do 10.000,00 KM -jedan bod,
 - 2) ukupne vrijednosti od 10.000,00 – 50.000,00 KM -dva boda,
 - 3) ukupne vrijednosti od 50.000,00 – 100.000,00 KM -tri boda,
 - 4) ukupne vrijednosti preko 100.000,00 KM -četiri boda.

Dokumentacija koja se treba dostaviti prilikom prijave projekta

Prijava za dodjelu sredstava podnosi se na posebnom obrascu – projektnom prijedlogu koji se preuzima sa web stranice Uprave - www.czusk.ba, ovjerenom i potpisanom od strane odgovorne osobe i koji mora sadržavati:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta),
- b) naziv projekta,
- c) opis projekta,
- d) ukupan budžet projekta i izvore finansiranja,
- e) očekivane rezultate,

- f) projektne aktivnosti po fazama i vremenski okvir,
- g) učesnici u realizaciji projekta,
- h) detalje o sufinansiranju,
- i) instrukcije za uplatu sredstava.

Uz prijavu (projektni prijedlog) podnosioci su dužni dostaviti slijedeću dokumentaciju kojom dokazuju ispunjavanje uslova (u originalu ili ovjerenoj kopiji – ovjera ne smije biti starija od 3 mjeseca):

- a) akta nadležnog organa JLS o usvajanju programa razvoja zaštite i spašavanja ljudi i materijalnih dobara od prirodnih i drugih nesreća,
- b) akta nadležnog organa JLS o usvajanju plana zaštite i spašavanja od prirodnih i drugih nesreća,
- c) akta nadležnog organa JLS o korištenju sredstava posebne naknade za zaštitu od prirodnih i drugih nesreća za provođenje navedenih preventivnih mjera zaštite i spašavanja,
- d) akta nadležnog organa JLS o korištenju budžetskih sredstava grada/općine za provođenje navedenih preventivnih mjera zaštite i spašavanja,
- e) godišnjeg plana korištenja sredstava posebne naknade za zaštitu od prirodnih i drugih nesreća.
- f) ovjeren izvod iz budžeta JLS za prethodnu godinu i knjigovodstvena evidencija iz koje je vidljiv ukupan priliv sredstava posebne naknade za zaštitu od prirodnih i drugih nesreća u prethodnoj godini,
- g) projektni prijedlog i predmjer radova gdje su jasno naznačeni izvori finansiranja projekta.

Kriteriji isključenja

Neće se uzeti u dalje razmatranje prijave aplikanata dostavljene po Javnom pozivu:

- a) koje su neblagovremene,
- b) koje ne sadrže kompletnu dokumentaciju koja se traži javnim pozivom,
- c) koje svoj projektni prijedlog ne dostave u zatvorenoj koverti sa naznakom „Prijava na Javni poziv....- NE OTVARAJ”,
- d) koji ne dostave projekat ovjeren i potpisan od strane podnosioca, i to na propisanom obrascu,
- e) koji dostave projekte usmjerene na oblasti suprotno onim koje su određene u Javnom pozivu,
- f) koji ne razrade projekat u skladu sa prijavnim obrascem,
- g) koji planiraju troškove vlastitih ljudskih resursa za implementaciju projekta,
- h) za već završene projekte (izuzev ako se radi o započetim, a nezavršenim projektima koji su planirani u fazama),
- i) ukoliko se podaci iz dostavljene dokumentacije ne slažu sa dostavljenim projektnim prijedlogom i/ili budžetom projekta.

III NAČIN I ROK ZA PODNOŠENJE PRIJAVA

Obrazac za prijavu projekta sa budžetom i obavezna dokumentacija, trebaju biti dostavljeni na način da su isti uvezani i poredani prema redoslijedu. Prijave sa obaveznom dokumentacijom se dostavljaju direktno na protokol organa ili putem pošte u zatvorenoj koverti sa naznakom na koverti „Prijava na Javni poziv za dodjelu sredstava za projekte iz oblasti zaštite i spašavanja od prirodnih i drugih nesreća „Sufinansiranje kapitalnih projekata preventivnih mjera zaštite i spašavanja“ - NE OTVARAJ".

Rok za podnošenje prijava na javni poziv je 8 dana od dana objave Javnog poziva.

Prijave dostavljene nakon isteka utvrđenog roka vraćaju se aplikantu neotvorene, sve ostale prijave zajedno sa pratećom dokumentacijom ne vraćaju se aplikantu.

IV OCJENA PRIJAVA

Dostavljene prijave na Javni poziv razmatra Komisija od 3 člana koju rješenjem imenuje direktor Uprave. Komisija vrši:

- a) analizu ispunjenosti formalno-pravnih uslova aplikanta, odnosno provjeru blagovremenosti prijava i kompletnosti dokumentacije dostavljenih prijava,
- b) provedbu procesa bodovanja prijava koje ispunjavaju formalno-pravne uslove,
- c) izradu Izvještaja o provedenom postupku po javnom pozivu za dodjelu sredstava sa prijedlogom liste uspješnih projekata, kojeg putem protokola dostavlja direktoru.

Broj bodova koji čini ukupnu ocjenu projektnog prijedloga sastoji se od zbira pojedinačnih bodova utvrđenih u posebnim kriterijima.

Pri razmatranju projektnih prijedloga Komisija zadržava pravo zatražiti dodatna pojašnjenja o projektu od aplikanta.

V OBAVJEŠTENJE O DISKVALIFIKACIJI, PRIGOVOR I UTVRĐIVANJE KONAČNE LISTE USPJEŠNIH PROJEKATA

Aplikanti koji ne ispunjavaju formalno-pravne uslove i ne nalaze se na predloženoj listi uspješnih projekata za sufinansiranje, biće o tome pisano obaviješteni od strane Komisije.

Protiv navedene obavijesti aplikanti mogu podnijeti prigovor Upravi u roku od 3 dana od dana prijema obavijesti. O prigovoru odlučuje direktor. Odluka o prigovoru je konačna.

Nakon dostavljenog Izvještaja Komisije sa prijedlogom liste uspješnih projekata, direktor utvrđuje konačnu rang listu projekata odabranih za sufinansiranje, koju objavljuje na web stranici Uprave - www.czusk.ba.

Kriterij za utvrđivanje konačne rang liste projekata je ostvareni broj bodova na javnom pozivu i iznos raspoloživih sredstava za sufinansiranje.

VI ZAKLJUČENJE UGOVORA I NADZOR NAD KORIŠTENJEM SREDSTAVA

Sa aplikantima čije prijave budu odobrene za sufinansiranje zaključit će se ugovor kojim će se urediti uslovi i način korištenja dodijeljenih sredstava, način praćenja namjenskog korištenja dodijeljenih sredstava, dokumentacija koju je korisnik sredstava obavezan dostaviti Upravi, rok važenja ugovora, te ostala međusobna prava i obaveze korisnika sredstava i Uprave.

Dodijeljenja sredstva, po usvajanju Programa utroška od strane Vlade doznačavaju se na račune aplikanata.

VII OPĆE ODREDBE

Za sve dodatne informacije zainteresirana lica mogu se obratiti do dana zatvaranja javnog poziva, i to putem maila: czbihac@bih.net.ba

Obrazac / Prijava za dodjelu sredstava za projekte iz oblasti zaštite i spašavanja od prirodnih i drugih nesreća „Sufinansiranje kapitalnih projekata preventivnih mjera zaštite i spašavanja“ se nalazi na web stranici Uprave - www.czusk.ba.

Broj: 15-11-9920,1/23

Datum: 26.09.2023.godine

